

BAPTISTAE CASALII IN LE
GEM AGRARIAM PRO COM
MVNI VTILITATE, ET EC/
CLESIASTICA LIBER/
TATE TVENDA, AD
CLEMENTEM VII.
PONT. MAX.
ORATIO.

REVEREN. IN CHRISTO PATRI
& D.D. Ioanni Matthæo Giberto Episcopo Veroneſi.
& Datario digniſſimo &c. Baptiſta Caſalius
Salutem.

SCITVM eſt Plautinum illud Giberte, uiam qui neſcit qua
deueniat ad mare, cum oportet amnem quærere comitem
ſibi. Quamobrem quando peſtilentiæ uis iam pridem antea
omnibus aditum ad Clementem intercluſit, quem nam aliū
mihi præter te unum ducē quæram, qui in partem ei curarum tanq̃
Hercules Atlanti ſuccedis, leuaſq; laborātem? Cui hāc ipſam tantam,
quā tu tua tibi fide, induſtria, ſtudio, uirtute peperisti fortunā, ut uel
ipſi ſummi reges in te ornando certent, & Clemens Pontificum tam
optimus, q̃ maximus nunq̃ ſibi ipſi cumulādis in te officiis ſatiſfaciat,
ſtabile fore ac diuturnā opto & uolo. Digna res quæ a te potiſſimū
ſuſcipiatur tanto iuſtitie Patrono. Ingens enim cupido me oppu/
gnādæ legis agrariæ inceſſit, qua per ſimulationē probitatis publicū
quoddam latrocinium inſtituitur. Tu igitur, quæ tua eſt benignitas
fonebis noſtrum hunc qualēcunq; tuo auſpicio ſuſceptū deſudatūq;
laborē. Qui & ſi nulla alia re nimirū tamen uel ipſo argumento uel
patrocinio tuo ſuſſiſteret, & una opera Clementem a calumnia, popu/
lum a fame, eccleſias ab interitu uindicaretis. Ego uero ſatis egregie
me operā nauaſſe intelligam, ſi a te probari ſtudiū meū perſpexero,
& me amabis, quod feciſti antehac. V A L E.

Baptiſtæ Caſalii in legem agrariam pro communi utilitate, &
eccleſiaſtica libertate tuenda, ad Clementem. vii.
Pont. Max. Oratio.

NISI me tua illa explorata mihi & cognita clementia
B. P. quam & in minore tua fortuna præ te ſemper
tulisti, & poſtq̃ ſummam rerum eſſeſſecutus, aſſumpto
Clementis nomine, quaſi ſignum aliquod clementie
ſuſtulisti, ſummam in ſpen adduxiſſet benignitatis & iuſtitie tuæ,
totum hunc deſenſionis laborem dimiſſiſſem, tacituſq; mecum &
populi calamitatem & eccleſiaſticae libertatis ruinam conquereret,
ac deplorarem. Cū uero tu ſemper acerrimū pauperū patronū, inui/
ſtiſſimumq; iuſtitie ducē egeris, non modo nihil me aratorū, publi/
canorūq; auuiditas & uanitas impudentiſſime apud te mentita, ſed ne
ipſa quidē lex Agraria hoxe ſuaſu atq; impulſu promulgata deteruit,

EGEM AGRARIAM MAGNIS SEMPER
contentionibus, magnoque Reipublice malo, ac perniciē agitā
tam, aut foeneratorum inopotentia & crudelitas, aut turbu
lentissimorum civium ambitio, & avaritia, aut populi la-

borantis fames expressit, cū patto populi labore ac sanguine agros, inexplēbilis diuitum auaritia occuparet, & qui patres minorum gentium dicebantur, s̄uissimos agerent tyrannos, Plebs uero ipsa fame enecta, uisum quæritando, uix ægreq; uitam infelicem traheret. Hinc in sacrum montem secessio, ac pene infinitum inter patres: plebemq; odiū, donec Gracchos pari prudentia & nobilitate, miseratos populi clāmitatem, assertores pauperum, ut proditores libertatis, desertoresq; patriæ crudelissime necandos, trucidandosq; censuerunt. Inerat tamen in tanta tamq; immani potentiorum crudelitate aliquid æqui: honestiq; facies: q̄ agri quos per manus a maioribus traditos, & hæreditario iure, multos iam annos possederant, diuidi sine iniuria posse non uidebantur. At noua istæc aratorum: publicanorūq; religio, & egregia pietas, amorq; popularis, quod nam habet si nō æqui, at saltem imaginarii cuiuspiam iuris: honestiq; uestigiū, ut nūc potissimum legem Agrariam ferant, qua sacra, profanaq; omnia permisceant: cum his annis uiginti Dei Optimi Max. benignitate ac prouidentia, tanta terræ ubertas, tanta frugum copia extiterit, ut singuli frumenti modii singulis nummis aureis, aut non multo pluris, interdum etiam minoris uenierint, nunc inquam legem Agrariam ferant, cum superioris anni ingens prouentus fuerit, præsens uero promittat multo maiorem: quasi terra etiam ipsa. B. P. tuo Pontificatu latetur, maioremq; in modum gestiat, & laxiore q̄ unquam antea per hosce annos sinu, munus polliceri suum uideatur. Sed forte quā quærebant: e re nata illis ferendæ legis occasio est. Nam dum comitia Pontificia longius traherentur, essetq; quorundam frumentarium negociatorum fraude magna frugum uis hinc asportata, extēplo misericordes ac populares homines oblatam sibi diu expetitā prædæ oportunitatem arripuerunt, Frumenta condunt, augent pretia, multum quotidie habent de re frumentaria sermonem, in Senatum ueniunt, concilium indici, ac populum citari iubent, hoc est, aratores, negociatoresq; frumentarios, & eos omnes qui emendis, distrahendisq; frugibus, populi sanguinem emungunt, cocunt pro populo omnes, & populi & ecclesiarum hostes. Ibi causam annonæ inuestigandam, occurrendumq; huic malo q̄ primum censent. Tum Iulianus Lenus homo sane disertus ac popularis, & in re frumentaria diu multumq; exercitatus, diligens monopoliorum institor, &

lo, ac permixta
tradita, aut
uita, aut populi
ac sanguine ag
res monum
lebs uero ipa
infelicem uide
um inter patre
oblate, mitem
tores liberta
odolq; censu
um crudelitate
a maioribus
derant, diuili
um: publicani
d nam habet
q; uelut iug
etanaq; omni
enigmate ap
uenerit, ut
uero pluri, i
m Agraria
ratiens uero
tuo Poenit
q; unquam
r. Sed forte
nam dum
m frumentu
oportata, est
diu egredi
ant, ager q
onem, q
dent, hoc est
qui emendi
coent pro
am ancon
centent. Tu
in re frum
cum infam

qui ab his dumtaxat libeter abstineat manum, quæ inuadere neque
at, longa sane ac luculenta oratione deplorauit populi calamitatem,
saturamq; communem. coisse in hanc ciuitatem undiq; ex tota Ita
lia pene infinitam multitudinem: dum belli late debacchantis incō
moda deuitat, arbitranturq; sibi perpetuum Romæ securitatis, ac
tranquillitatis domicilium fore. q; si hic fame moriendum sit, malle
sele hosti ultro obicere: q; fame contabescere, ac per cruciatum om
nium sauiissimum mori. hoc tantum, tamq; nefarium ortum esse ex
presbyterorum auaritia malum: qui agros permultos habent: adeo
q; magno conducendos: ut aratores admodum pauci reperiantur:
qui conducendorum prædiorum enormia precia ferre possint. ci
ui agrariam legem opponi oportere: quia res rustica magna ex par
telongo intervallo intermissa reuocetur: liceatq; cuicunq; ubicunq;
quæcunq; uelit arua: prædia: agros: fundos: prata etiam ipsa ingre
di scindere: exarare: serere: pro cuiusq; delectu atq; arbitrio: abigan
tur: uaccæ & cætera id genus animalia: quæ arua fere omnia depascu
tur: homines uero (facinus indignum) quorum causa facta sunt om
nia esuriunt: Domini prohibere non possint: aut exigere quicq; nisi
messis tempore: uidelicet: Quintam: Septimam: Decimam omnia
sint aratorum: non audiendas presbyterorum ignauissimorum ho
minum querelas: ne si his pareamus interim populis periclitetur.
Nunc se sua opinione deceptum: qui hæc longe antea fore prædixe
rit. Quæ quia antea facta non sunt: cum debuerant: nunc tandem fa
cienda esse cum oportet: actum esse: nisi agri colantur: opus esse ma
ture facti: nisi mature interire populū malint. Ita excepta huius ora
tio est: ac si esset ex oraculo quodam profecta, itum est ab omnibus
in hanc sententiam & manibus & pedibus decerni agrariam legem
oportere. Causa quæ fuerit promulgandæ legis agrariæ uides. B. P.
quantum uero tegat malignitatis: res ipsa indicat. Nam cum hac oc
casione omnium fortunis insidiaretur: parem etiam ad tantum faci
nus impudetiā atq; audaciā attulit. T. e. n. ipsum adiit omnis pro
fus fallacia: doliq; securum: fraudem furo ac pigmentis quibusdam
adornat: & quod erat ad cuertēdas populi & ecclesiarum opes tan
q; machina quædam comparatum: ubertatem frugum: ociū: ac ma
ximum fortunarum incrementum allaturum mentiur. Tu uero
qui nihil maius q; populum tuum & fortunatum: & egregie pastum:
huius pietatem ac studium commendas: das negocium: conscriben
dæ legis duobus ex hoc ordine Patribus: quos & maxime popula
res: & ecclesiasticæ libertatis adsertores iudicasti: Qui quidem & si
omni ope: fraudem propulsandā putauerunt: tamen nō tam diligen

Plerq; penuria
causa hanc
causam Rom
conflict

Ignorantia
q; ignorantia
q; ignorantia
q; ignorantia

Impossibile
nisi hanc reuer
ut possit, ubi possit
ata hanc reuer

uacua alicui

Indignum
q; indignum
Indignum
q; indignum

Indignum
q; indignum

Indignum
q; indignum

Indignum
q; indignum

Indignum
q; indignum

Indignum
q; indignum

Indignum
q; indignum

Indignum
q; indignum

Indignum
q; indignum

Indignum
q; indignum

Indignum
q; indignum

Indignum
q; indignum

Indignum
q; indignum

Indignum
q; indignum

ter sibi cauere potuerunt: quin Iuliani: aliorumq; sui similitu uefugiis at
 q; arte caperentur: quibus sane irati, esse cum primis deberent: & ab his
 grauissimas potnas reposcere: a quibus iducti deceptiq; sunt: ac si ipsi
 iniuriam parare cuiq; uelle: & comunem calamitatē adamare uiderē
 tur: nec factū defendere: tanq; turpe sit mutare consiliū. Nā emenda
 re quod improbes: prudentis id quidē est: tueri uero quod plane pee
 niciosum sit: improbi ac maligni. Lex itaq; promulgatur. B. P. bona
 tua & uoluntate & fide: bona itidē patrum a te delectorū: q; uero bo
 na suorum authorūq; non facile dixerim. Quippe qui legis nomi
 ne: ecclesiarū prædia ad prædam: populi labores ac bona ad rapinā
 audiatemq; paucorum: instar famelicorum luporum exponi arbi
 trentur. Sed tamen dum maxime student fraudem celare: tunc potis
 simum detegunt. Nam ipsimet legis authores legem anteq; ferretur
 ex legem esse omnino iudicarunt: & iam inde a principio suo ipso
 iudicio: ne expectarent tuum condemnarunt. siquidē in tenebris cō
 scripserunt paucis admodū consultis: & his potissimū: quorū res age
 batur: uidelicet: aratoribus: publicanis: foeneratoribus: negotiatori
 bus, qui rei frumentariæ latrociniiis: tanq; ignaui fuci semper populi
 laboribus ac fortunis insidiantur: ignaris bonis omnibus: inconsultis
 patribus: non seruato trinundini intervallo: ut est in more, consuetu
 dineq; positum: nulla præconis denunciatione: clam populo: cuius
 maxime intererat: te etiam ipso circunuēto per fallaciā. B. P. ne frau
 dem agnosceres: utpote qui nō ignorarent te nolle quod a Iure, po
 puliq; utilitate abhorreret: neq; admitti per te legem nisi per fraudē
 posse. Ex quo tamen patet nullam esse legem, quæ fraude promul
 gata, ad rapinā instructa: ad infamiā etiā tuā comparata est: cum in
 eam opinionē rem adduxerint: ut hanc tu cupere uidearis, tamē cæ
 tera per multa huiusce legis flagitia ac portēta quæso animaduerte.
 Primū quidē affirmo atq; contendo legē cuius nullus usus sit nisi ad
 fraudē: minime necessariā: minimeq; latā, ratāq; esse oportere: quæ
 undiq; mendaciis scatet: atq; improbe mentitur. In primo enim ca
 pite egregii legis architecti ab impudentissimo mendacio exordian
 tur: ut fidem reliquis faciant. Nam cum agriculturam plus dimidio q
 esset annis ab hinc uiginti imminutam audacter profitentur: ac pau
 latim artem ipsam exolescere atq; interire: tum ideo frugū inopiā
 inualescere: q; maxima camporū spacia uaccarum pascuis addicatur.
 An non sustuariū merentur Nā quæ per hosce annos uiginti: aruat
 quæ senticeta non exusta: qui saltus: quæ nemora: luci: syluæ non
 excisæ: non patefactæ: non exarata: Quot paludes exsiccatæ: quot
 montes, quot conualles, quot planicies aratro proficillæ, & excultæ,

a. leg.

his die.

an. Ror.

rup. de

in. Ror.
a. Ror.
in. Ror.

quæ olim infames latrocinii atq; infestæ erant & Indicio sunt ligna,
quorû usus multo nûc est: q; maiorum nostrorû memoria difficilior,
quippe quæ maiore cum labore, tum etiam sumptu quærâtur, adeo
ut iam excisis fere omnibus infra uigelimû lapidem syluis trāsmarina
digna hyemem leuent. Ad hæc Pontinæ paludes cultioni datæ (quas
exsiccare Hercules labor fuit, & earû purgatione Leoni. x. referimus
acceptam, qui post Corneliû Cethegum Cōsulē primus tanq; Hydram
consecit) magnû ac prope incredibile attulerunt annonæ momen-
tum, ut ausim constantissime ac uerissime affirmare plus multo nûc
decuplo terrarû colî, q; his annis uiginti. Nā his ipsis annis uiginti, quæ
non Regio Italiæ, quæ non Prouinciæ fame laborarunt Frumenta
uero in urbe Roma semper ad ubertatē superfuerūt. Quid itaq; Quia
agriculturæ ratio aucta, quia syluæ excisæ, paludes exsiccatæ, tesqua
exculta, senticeta deleta, & quæ antea loca inuia erant, omnia refe-
rata, aperta, patefacta, peruia, exarata. At cum illa homines impuden-
tissimi apud te mentiebâtur. B. P. non ignorabât se impune mentiri
apud te posse, qui curarû maximarû pondere pressus, rei rusticæ ua-
care nequiuertis. Ideo neminē rei frumentariæ peritû adhibuerunt,
ne refelli, ne ue manifesto in mendacio deprehendi possent. Ideo
in tenebris legem conscripserunt, ne in luce malignitas spectaretur.
Itaq; non uideo quo modo res rustica imminuta, nō uideo quomo-
do ars agraria ad interitum spectet. Nā si tantû agrorum, tantûq; ter-
rarum, syluarû, montium, conualliû, paludium culturæ datum, osten-
dant quomodo ars inminuta, planû faciant ipsa, quâ profitentur: ex-
perientia rerû magistra deesse qui agros colant. Quod quia neque-
unt, uaccas nescio quas siluas cōmenti sunt, quarû pascuis destinata
esse maxima, & ea quidē potiora camporû spatia conqueruntur, cla-
mitant idcirco inualefcere annonā, q; agrorû cultus deseratur, pluris-
q; sit apud nos animalîû q; hominum uictus. Scilicet uaccarû pascua
faciant frugû inopiam, Pulchrû sane atq; egregium cōmentum. Nā
cur nunc potissimû annona difficilior sit: q; fuerit his ânis uiginti, nō
agnosco. Nulla. n. tot annos soli sterilitas fuit, nulla de coelo contigit
calamitas, fata omnia spem amplissimam pollicentur, Deo Optimo
Max. utimur benigniore, cum fere nullus Europæ populus non inter-
dum his ânis esurierit, nobiscû uero multo sit benignius actû, quibus
semper uictus ad facietatē aderat, & in posterum spes multo uberior
ac certior ostentabatur. Quod si uaccæ: in quas isti annonæ caritatē
reiciunt, nullâ unq; inopiâ pepererunt, ne nunc quidē ullam pepe-
rere inopiâ, nec ipsa frumentandi: colendorûq; agrorum ars inmini-
uitur: aut deficitur: ut isti mentiantur: ubi tam ampla tamq; uasta

mill. annis
in uita possit
homo p. 100
p. 100
d. 100

lora aspera

reuele

sola terrarum ad cultum aperta: purgataq; sunt: ut nullus angulus usq;
reperiatur: quo non colonorum cura, studiumq; penetrauerit. Nam
si aucta hominum multitudo (ut aiunt) aucta itidem agricultura: au-
ctus colonorum numerus: aucta: dilatataq; in immensum arua: facta-
q; ne externo frumento indigeremus. Nescio quid etiam de foeno
admiscuerint: ac si maior sit pascendorum equorū q̄ hominum cu-
ra: quorum sane ego non amplius demiror impudentiam: qui nul-
lum unq; pudorem nouerunt. & meretriciam quandam frontem ad
mendacium afferunt. Quando enim per hosce viginti fere annos
foeni caritas defuit: Ac ne tūc quidem cum prouentus esset uberior:
foenum uilius ueniit. Quid itar? Quia maluerunt foeno: q̄ frumento in-
digere: maluerunt homines pascere q̄ iumentā. Nam si tantum arua-
rum legendo foeno datum est (ut isti asserunt) cur non antea fame la-
boratum est? Si abundauimus: cur mentiūtur? si mentiuntur: cur fau-
tores habent? Sed uideo. B. P. quam isti rem agant, non ignoro eo-
rum propositum ac benignitatem. Vna enim opera curant, ut fru-
mentum: foenum, carnes, caseus, & cætera id genus omnia quam ca-
rissimo ueneant, ipsi uero harum rerum omnia monopolia institua-
nt (ut solent) ac si liberam habuerint a te potestatem: solem etiam
ipsum faciant nobis præsentī pecuniā uenalem. Nam si prata coar-
centur: unde foenum? Si uaccæ abigantur, unde carnes? caseus: buty-
rum, & huiusmodi aliar? Si omnia aratro scindantur: parenturq; ad se-
mentem, an propterea paratam frugum ubertatem putes? Sed hac
de re posterius, nūc quid de foeno, carnibusq; futurum sit uideamus.
Foenum isti annonæ præfecti undiq; cogent, ut a se petatur, uaccas
quas abigi curarunt undiq; mercabuntur: mercabuntur item oues
undiq;: ut a se uitulina, ouilla, agnina ematur. At quanti obsecro fo-
num, quanti carnes, caseumq; addicturo: putas? Nimirum duplo, aut
fortasse triplo q̄ hunc amplius. Dices fortasse homines sunt & mode-
sti & minime cupidi. At ego nescio q̄ bene populi Romani annonā
credi his possit: quibus nimis ad rapinā angustus orbis terrarum
iubent: quid aliud curant: q̄ ut foeni, carniūq; simul inopiam indu-
cant? Sane antiquum isti peritissimi prædiatores, uetusq; Patriæ insti-
tutum non ignorant, Urbis Romæ prædia trifariam cum primis diui-
di: in pascua, prata: arua, pascua rusticis animalibus, prata urbanis, ar-
ua hominibus uictum præbent. Quæ omnia si q̄ sapienter distributa,
tam diligenter conseruentur, parata semper sint ad uictum hominū
ac reliquorum animalium abunde omnia. undecunq; quid denique
ris, turbabis, eiusq; rei inopiam induces quā imminueris. nihil dēse-

desinibil desideres. Itaq; B. P. hortum ista tam curiosa diligentia, tamq;
popularis misericordia maxima (nisi tu caueris) rerum inopiam pari
tura est: quam tandiu parturit. In altero capite habetur, ut unicuiq;
ubicunq; & quacumq; uelit prædia ingredi: exarare: serere pro cuius
q; defectu atq; arbitrio liceat: Domini prohibere non possint: nisi si
ipsi colere uoluerint. Hætenus B. P. quis impudens audacia: tamē to
tunda, dandum est. n. aliquid temeritati, hætenus obsequentes do/
minos habent: non repugnant. Quis illud ferat: quod paulo post se/
quitur: ut coloni prædia gratis occupare: gratis bouum pascua delige
re possint: nihil ex quibusuis prædiis Dominis debeatur: pter quin/
tam: aut septimam: aut decimam? An nō sic dominia prædiorum si
per contrāctū trāsferuntur? An non noui Domini sine uenditione cō
stantur? An non gratis alter: me inuito: meū habebit? Immo uero
an non hæc plane tyrannis est? Et omnino illud quod est apud poe/
tam: nescio quem: quod nunq; ueriti sumus: ut possessor agelli dice/
ret: hæc mea sunt: ueteres migrate coloni. Nam quis prohibebit si le/
gis p̄trocinio utantur: cum ne sic quidē sine lege coerceri possint:
quominus abstineant ab ecclesiæ bonis imputas manus? Quid futu/
rum sit haud longi temporis decursu nemo nō uidet: ut ne ipse qui
dem decimæ perfoluantur? At gratis occupari prædia: gratis deligi
pascua bouum: uolunt licere ex lege. Quæto quo iure: quo more:
quo exemplo istuc? An fortasse id Syxtus aut Iulius excogitarunt? Sa
ne nunq; ubertatem illi non prædam quærebant. Populus ne id per/
fuerit: aut populi iussu decretum? Ne id quidem: nisi si forte quod po
puli nomine actum est: inconsulto: atq; insciente populo: id popu
lum iussisse contendant. Non enim id a populo fieri existimandum
est: quod populi expilatores ac plane hostes de creuerint. At fortasse
tuentur id iure: quoniam obsecro? Non naturæ: quæ uim omnem
edidit: non gentium: quod a natura non abhorret: non ciuili: quod ra
pinæ atq; iniuriæ propulsandæ tanq; tormentum opponitur. Quod
igitur ius aliud reliquum sit: non uideo: nisi si quod quisq; uelit im/
pulsus: scelestus: ganeo: decoctor: id ipsum licere arbitrentur. Hoc ip/
sum secum iam pridem agitarunt: hoc sunt semper moliti: semper
rebus ecclesiarum inhiarunt: ut suis: & in omnibus cōgressibus ac sta/
tionibus tam frequentes sunt: q̄ nefarii illi sermones: cur presbyteri
hominum genus ignauissimum agris: quos maiores nostri possede/
runt: impune tandiu potiantur: nos egeamus: iaceamusq; semper: ne
q; nostram dignitatem tueri possimus? At si hoc isti iure utuntur. B.
P. te quoq; imperium repetituros suspicor: siquidem his tantum li/
ceat: possintq; quantum audēt. Nam illis ad facinus uires: nō animus

deest. Sed quid mirum, ita solent qui decoxerunt, cū rem suam, aut
alea perdididerunt, aut luxu prodegerunt, aut nequitia dissipauerunt,
alienæ inuident, ac rapinā, prædamq; meditantur. Et quoniam præ
clari isti susurriones multa auribus admurmurarunt tuis mendacia, et
oppleuerunt deliris quibusdam, falsisq; imaginibus, eorū queso hanc
tem, aueritatemq; cognosce. Ecclesiarum, Cœnobiorum, Xenodo
chiorumq; prædia, quasi ad prædam exponi omnium uolunt, ut cuius
q; arare, ac serere uolenti liceat etiā inuitis dominis aratra inferre et
colere, dandāq; non a dominis, sed a seipsis arua ingrediendi, aridū
deligendorūq; pascuorum potestati. Quā quidem potestati uerū
ipsi passim habent, qui gratis arari: coliq; ecclesiarū agros uolunt. Et
cum grandem pecuniam a quibusdā acceperint, spēs eis dedissent,
se curaturos, ut agros haud longe a Nemorensi oppido ingredi, atq;
aratro proscindere liceret, quos delegerant, sua illi opinione frustra
ti, conqueri palam cœpere, se triumuiris agris diuidendis pecuniam
numerasse, indignum facinus, sic appensa pecunia deludi colonos.
Hem tibi homines. B. P. quibus mades: siquid recte curatū uelis. Hem
egregios annonæ præfectos, qui ecclesias gratis spoliandas censent,
ut quæ ecclesiis extorserint, ipsi præsentī pecunia uendāt. Hinc illa
lachrymæ, hinc illa misericordia, cū populi calamitatē deplorant, to
tum enim hi carmen sibi intus canunt. Non sum nescius neminē am
bigere, qui nam illi sint quos pietas adegerit ecclesiæ bona sine pro
scriptione uendere, Tantū. n. facinus ab ipsis præfectis cōscribendæ
legi patribus, quos isti urgere, uexareq; ac mendaciis circumuicere
nō delitebāt, manasse nefas est credere: qui tuēdæ rei ecclesiasticæ,
nō euertēdæ studēt: qui nullis hōrū adduci precibus potuerūt: ut im
pudentissima edicta: interdictaq; eorū nomine per apparitorē deū
ciarētur: nefas a Iacobo Phrygepate manasse: uero nobilitate: prode
tia: probitate singulari: in quo uno ueterē simplicitatis memoriā: et
publici parentis amorē: charitatēq; agnoscas: qui hōrū semper est et
aueritatem & furorē detestatus: At uero a Iuliano facinus manasse: ne
fas id quidē est, nō credere. qui tā modestiā, q̄ rem deuorauit: & nihī
prorsus referre arbitratur: unde habeat: modo habeat quippiam: po
tūq; aliena abuti: cum rem perdididerit suam. qui ad rapinam uinitur
egregiis discipulis pene se ipso nequioribus: Iacobo Rucellario: &
Iulio Albertonio. Quorum alter sane bellus homo & elegans: cuius
de facie truculentia ac cicatricosa mores depræhendas. Alter capillo
intonso, superciliis prominētibus: barba promissa: toga laxiore: pro
be ad fallaciam instructus: uterq; mirus: quærendarum, extorquenda
rumq; pecuniarum artifex: facile ut Iuliani discipulos agnoscas. Sed

homo acutus & perspicax Iulianus nescio quomodo interdum stul-
te sapit. Nam ne ipse uideretur legis author, cuius etiam scipsum pu-
debat, & ut inuidiam declinaret, qua permagna se laborare intellige-
bat, noluit inter triumuiros agrorum diuidendorum adscribi, cum
Iacobo Rucellario, & Iulio Albertonio discipulis concordissimis.
Credo ne contra leges antiquissimas Liciniam atq; Ebutiam face-
ret; quibus ab ea curatione ac potestate, de qua quistulerit, & ipse
exprimis excluditur, qui tulit, & eius etiam collegæ, cognati, &
affines ne cuiq; eorum ea curatio, potestas ue mandetur. Sed cum
alterum deuirat legis scopulum: in alterum temere incurrit, tacite
enim fatetur se legis authorem, dum cauet, ne contra legem Triu-
uir conscribatur, cum conscribi discipulos & collegas triumuiros iu-
bet, quibus usus est, ea in re, & ministris & sociis, non uidit duos triu-
uiros uirio a se creatos. Vnum esse rite duntaxat creatum Iacobum
Phrygepanem, tam eius dissimillimum, q̃ sui ipsius semper ac bono-
rum omnium simillimū, tāq; tenacera iustitiæ: probitatisq; uirum, q̃
ille iniuriæ ac rapinæ studiosus. Sed sint illi sui discipuli atq; satelli-
tes rite triumuiri creati, cur uero tantum sibi arrogant, ut audeant
libello colonis dare, quibus agros assignēt alienos, iniussu Patrum
huic rei præfectorum. Cur Iacobo Phrygepane collega inficior. Quia
Iuliano utuntur ad eam rem & præceptore & duce. Quod si audeat
negare, dicat quid illa sibi ad uesperam producta cum similibus sui
consultatio uolebat. Quid illa antelucana concursatio. Quid im-
pydens irruptio in cubiculum patrum rei frumentariæ curatorum.
Quid uecors illa clamatio cum seuerius res agi sua opinione uidere-
tur. Non possunt eius latere consilia, quæ cum sibi rem factam pro-
mitteret, per fora, per plateas, per stationes omnes uulgo sparge-
bantur, non obscure res agebatur, constantissima iam fama erat: Iu-
lianum omnium prædiorum, & dominum & finitorem fore. In-
gens erat ad eum colonorum concursus, ipse magnificum se facie-
bat, illi qui hominis audidatē noſſent pecuniam ostentare, homi-
nem largitione conciliare. Quid multa. Pecuniam accipit, pollice-
tur omnibus, Deinde diuidi agros oportere clamat, colēdos agros
esse, populo esurienti subueniendum, nimium segniter agi nego-
cium uidebatur, turbat, miscetq; omnia. Tu uero. B. P. qui & di-
uinitus creatus & diuino consilio in rebus gerendis ac præcipue
administranda iustitia ueteris, ratus id satis mature fieri, quod fiat be-
ne, suspicansq; in ea tam importuna festinatione subesse aliquid fla-
gitii, cum te negotium cognoscere, ac discutere diligentius uel-
le dixisses, p̄fregi sibi hominis audaciā. Tibi enim dare uerba non

poterit, te prudentem, paratumq; aduersus huius dolos circumuenire
non poterit, fallere non poterit, elabi non poterit, qui iam tenetur.
Quo uno responso beasti populum tuum, restituisi ecclesie libera-
te, & quoddam quasi signum melioris spei sustulisti. Et quoniam
deo te. B. P. non fatigari audiendo, qui ne iuste quidem benigne, de-
menterq; cum omnibus agendo fatigaris, pergam ad reliqua que tu
iusdam belli civilis hastæ, hostilisq; direptionis formam habent. Præ
in secundo legis capite actum esse uidebatur, ubi ingressum ad præ-
dia, delectumq; pascuorum gratis liberum esse omnibus cōceditur,
nisi tertium caput esset additum, quo contractus locationum, etiam
ad longum tempus rescinderentur, uidebant oculatissimi ad faciunt
homines parum id procedere posse, si interim a locatariis posside-
rentur. Itaq; necessariam esse contractuum dissolutionē censuerunt,
ut tanq; uacua & nullius in bonis fieri occupantium liberius possent.
Quod quid aliud ē obsecro, q̄ proscriptio, q̄ hasta, q̄ prædæ. Sed hæc
ipsa uel hostilis irruptio, uel bella civilia pepererunt portenta. Quis
unq; hæc uidit in pace monstrat. Quis illud suspicari unq; potuisset, te
clementissimo, amantissimoq; populi tui Principe fore, qui sibi ec-
clesias expoliādas, populumq; exhauriendum esse ac licere impune
arbitratur. Marianæ ac Syllanæ hastæ: prædæq; hoc instar ē, immo
uero hoc ipsum grauius multo est, ac detestabilius q̄ illud malum. Nā
quis sanguinaria illa, efferataq; crudelitas fuit, tamen a rerum diuina-
rum direptione abstinuit, pepercitq; his: qui in partibus nō fuissent.
At Presbyterorum ordo, genus hominum innocentissimum quid ē
liquit, aut quod nam tantum in se admisit scelus, ut a quo uel hostis
abstineat, non abstineat ciuis? ut cui barbaricus furor parcat: non per-
eat ciuis? Hoc ipsum est more pharisæorum diuidere inter se uestem
Christi, hoc est talis fortiri uestem Christi, quin hoc ipsum plane est
spoliare Christum, atq; in crucem tollere. Ideo ne Christus uictimam
se abolendis nostris sceleribus obtulit, ut trium uirotum auaritiā ne-
q; suo ipsius supplicio expleret, neq; satiaret sanguine? At uide q̄ ma-
gnus sit inter maiorum nostrorum benignitatem ac trium uiro-
rum auaritiā interuallum. Illi enim certatim Christi ecclesiam ornabant,
isti certatim diripiunt. Illi omni benignitate prosequēbatur, isti om-
ni studio conantur euertere. Illi ecclesiis bona sua largiebantur, ut in
cœlo thesauros conderent, isti ecclesiarum bona prædæ in mortem
abigere pro sacrificio habent, qui solam habent pro cœlo ac Deo an-
cam, quam modo expleant, pium, sanctumq; arbitrantur uel Christi
spoliare, quem si nancisci possent, etiam Cruci affigerent opinor,
quem tam auide lacerant. Qui illum esse nūq; credunt, quem nūq;

vident. Non enim ille cognosci, aut intelligi a sacrilegis, scelestis, impiis potest. Sed esto nullum sit in diripiendis ecclesiis peccatum, quod nullū esse scelerosius potest. Vbi libertas quæ est huius urbis proprias Vbi concordia fundamentum Reipus Vbi æquitas ac fides sine quibus omnis iustitia collabascitur Detur etiam istis, quod tam stulte quod improbe comminiscuntur, quæ nunc ab ecclesiis possidentur duobus & ultra abhinc millibus annorum fuisse maiorum suorum. ergo ne hæc ideo ut sua vindicabunt Ergo licebit his spoliare tam antiquos possessores, ubi gentium hoc ius usurpatur, nisi aut in ultima barbaria, aut in civilibus odiis: aut in sæuissima tyrannide Ferunt Aratum Syicionium pulsus tyrannis Patriam in libertatem asseruisse: ortusq; haud ita multo post de recipiendis possessionibus: præditiq; inter dominos possessoresq; contentionem magno consilio ac prudētia sedasse. Possessores quinquaginta annorum possessionem tam longi temporis usu tuebantur: qui spoliati per tyrannidem fuerant: aut bona patriumq; ius repetebant. Videbat Patriam tyrannide liberatam civilis bello perituram: nam neq; tam diuturnos possessores spoliari: nec spoliatos non restitui: æquum censebat. Quid igitur faceret? Inducias ab utrisq; impetrat, tantisper dum redeat. Nauigat interim in Aegyptū ad Ptolæmē: cū quo sibi magna necessitudo intercedebat: magnā ab eo pecuniæ vim accipit: deinde ita sibi cū utrisq; conuenit: ut qui pecuniā malit possessionē cederet, si malit alter possessionē, alter pecuniā acciperet. Quo factū: aut neq; Dominis neq; possessionibus ullus esset querēdi locus: & una cū libertate pacē etiā civilibus suis: ac tranquillitatē restituerit. Ergo ille non putauit eripi iure posse quinquaginta annos possessoribus alienū. Triumuii aut ex donatione: aut emptione: aut multos sæculorū usu propriū eripiant Ille sibi ut pacem sereret, reuocaretq; concordia tantū laboris & itineris obcundū putauit, triumuii bella civilia ultro inducant, serātq; in urbe discordia, Reipu. perniciē ac pestē & Callidū sane dissoluēdo æri alieno, quod multū constaret cōmentū, non audent nouas tabulas flagitare, ne foeneratores collegiū: ex quo ordine ipsi sunt, lædatur. Nouæ. n. tabulæ tactis contra ius fasq; comparatæ: tamen ad populū & alieno laborātis subsidiū admittebantur. At miseret oppressi famē populi: nō obærat. At istuc ipsum B. P. operæ pretiū est audire, quod misericordes homines famelici populi misereat. Nā hi quidem qui populares uideri uolunt ac misericordes, nescio quod populares sint ac misericordes: qui frumentū sane multū populo ostentant, quo ne uti quæat, sed in magna frugū ubertate, tāq; Tātalus esuriat. Sed quid tandem isti annonæ curatores afferunt ad constituendā annonæ facili-

ratemur Colentur aiunt arua passim: late undiq; aratra inferetur: ubiq;
tellus feretur: ubiq; sata: ubiq; messis: ubiq; fruges: horrea non capiet
frumenta. Ego uero ab his hoc ipsum quaero: cui na tantu frumeti co
paretur? Nimiru populo dicet coparari: populo cosuli, ne esuriat. Im
mo uero, ut ecclesiae bona ad praeda exponatur: ipsi occupent: ut an
nona augeat: ipsi frumentu uendat: ut populi marsupia exhaustant:
sua distendant. Na quae esse potest tanta frumeti copia: qua no cotinuo
inopia consequatur? Siquidẽ illud tertiũ sceleratae legis caput extat:
quo grauissima annona i sempiternũ æuũ firmatur. Na si minus duo
deuiginti Iuliis singuli frumenti modii ueneat: ius esse negotiatori
bus frumetariis uolũt hinc alias in regiones asportare ad quaestũ fru
ges. Lege tu, ne inficiari audeant, ut solent. **LEGIS CAPVT.** Ce
do mihi hac ubertate quam isti profitentur: ubi ea est obsecro? In fru
menti ne pretio: an in frumenti copiar? Atqui utroq; modo penuria
infertur. Quado enim spes sit frumeti pretiũ infra duodeuiginti lu
lios fore etia in maxima ubertate: si lege sanciat ius esse asportadi:
quoties minoris uendatur? Quado no in immensum auctũ iri credẽ
dũ sit: ubi exhausta urbs fuerit frugibus asportatis? Eadẽ enim frumẽ
ti est, quae belli ratio: na ubi uel exiguus belli rumor increbrescit con
tinuo agricultura: mercatura: uestigalia deserunt: & interdũ plus af
fert belli metus detrimeti q̃ bellũ: itidẽ cũ est iniecta auerendi frumẽ
ti suspitio, taetsi nihil exportetur: tamen omniũ animi expectatione
quadã enĩguntur: suspicaturq; nescio quid calamitatis. Vnde extẽplo
per se sunt frumẽta multo cariora. Quod si sine causa interdum hoc
usu uenit: quid futurũ putas: cũ fruges trãsmittere lege ius erit? Tum
mercatores penes quos erit totius frumenti summa: qui nihil prius
aut potius habent q̃ lucrũ & ante factã sibi extrahendog; frumentog;
potestate iniecta maioris lucri spe: ut carius alibi uendat: aut hic uen
dere recusabantur: aut si uendat: no nisi precario & magno uendante
& postq; partẽ maiore asportarint: ut nihil ultro caritas inualescat (ut
solet) ipsi oblata bene gerenda rei occasione arripient: quãto mai
mo poterũt pretio reliquas fruges addicẽt. Præterea sint omnia hor
rea frugibus repleta: omnia fora frugibus scateat: nunq; tamen decrit
in tanta copia: inopia atq; calamitas: parũq; proderit ubertas: ubi mali
gnitas & auaritia dominabitur. Erit enim frumentarioq; negotiator
rũ in manu sitũ facile ne: an difficilẽ annonã uelint: si quoties fruges
minoris duodeuiginti Iuliis distrahatur: auerere alias in oras liceat.
Na quado obsecro id erit, ut hos populi misereat? scilicet misericor
dissimũ est id hominum genus: qui instructi sunt probe omnes sem
per ad fallaciã & periuriis potius q̃ misericordia re gerunt. Immo si

forte ut sit: sponte sua fruges minoris steterint: haud dubie ad aspor-
tationē spectabunt: extēplo pretia inualescēt: sed sit quātumuis ma-
gnus frugū prouentus: is tamē haud sane multū a sterilitate distabit.
Nā perinde est uti nō posse, quibus abundes, ac si egas. Quid ei pro
fuit cōditæ abunde fruges, qui fame pereat? Nimirū idē esse, opior
emere frumentū nō posse, quod nemo det: ac si nūq̃ sit quod emas.
At isti annonæ curatores egregiā illam frugū rationē inierunt: ut in
maxima frugū ubertate plus populus esuriat, q̃ in frugum inopia esuri-
ent. Quando enim his totis annis uiginti frumenti modius non in-
tra quindecim aulios stetit? Cur isti maxima in copia penuriā medi-
tatur: ut carius ematur? Leuius multo est quod natura fert sterilita-
tis malū: q̃ quod hominū malignitate & avaritia importatur. Illa. n.
ipsum est naturæ ac Dei: hæc uero tyrannidis. At superiōr Pōtificū,
eorūq̃ sapientissimorū hominū: ut prudentia: ita etiā annonæ studiū
sane ingens fuit: qui leuandæ annonæ causā tertiā frumentorū Tar-
quiniēsium, Collisq̃ alti partem ex fœdere in urbem aduehi curarūt,
quoties spectare ad annonæ difficultatem res uidebatur: ex quo sem-
per parata instructaq̃ sunt in famē præsidia. Nā si interdum anni pro-
uentus deterior fuerit: desintq̃ domi frumenta: foris importantur:
tamq̃ cōmode ad ubertatē populo cōsultum est: ut nisi de industria:
ac frumentariorū negociatorū arte frumenta trāsportentur: nulla esse
unq̃ hac in urbe frugū canitas queat. Tū autem maiores nostri undiq̃
huc frumenta importari: nō hinc exportari uoluerunt. Ex agro enim
Cāpano: Siculorū perpetuis quibusdam populi Romani horreis fru-
ges huc aduectabātur. Si uero fortasse minor fuisset Italiæ fœcundi-
tas: Africa: Aegyptusq̃ populi Romani famē leuabant: tanta erat ue-
terū propulsandæ famis & alendi populi cura. Quod si illi ab ultimis
etiā terris per tot maria huc importari fruges uoluerūt: tu quod hic
Dei benignitate prouenit, alio transfuehi patieris? ut urbs Roma sit
aliis ciuitatibus fœcunda: sibi uero sterilis? Alii nostra ubertate fruun-
tur: hic esuriatur? Alii nostra uota intercipient: nos egeamus? Quid
animi huic populo futurū putas, cū suas spes auehi spectabit? Cū pene
ex ore cibū rapi uidebit? Leuius sane multo malū mors & ipsa etiam
mors grauior seruitus est, q̃ famēs, quippe cū mors una & sensum &
famē extinguat & in seruitute insit libertatis spes: At in fame omnes
simul cruciatus adsunt: lenta mors: cummulata malis omnibus miseria,
summa desperatio: ingēs mortis desiderii. Magnū profecto ueterū
propulsandæ famis studium fuit: tyrannidis uero ac Regni multo id
quidē maius. Sp. n. Melius diuītē sane hominē ac popularem iure
cælum uideri iudicarunt, quod in magna fame coemptum suo ære

frumentum plebi diuississet: iniecissetq; ea re affectati regni suspicio-
nem. Illi imaginariā quandā incertāq; suspensionem non tulerunt, tu
feres hōre manifestam, acerbissimāq; tyrannidē. Illi cum qui populo
Romano benigne fecisset non tulerunt: tu ferēs populi Romani car-
nificēs. Illi patrōnū parentēq; populi nō tulerunt: tu ferēs hostes pas-
perum: hostes populi: hostes fidei: hostes religionis. Itaq; tu te tecū
diligenter consideres oportet, an quos annonæ præfeceris cum hac
tanta tāq; inusitata potestate constitui tyrannos uelis. Nā isti sunt ty-
rannidis potius q̃ annonæ curatores: quorum quidem a te reprimen-
da, non fouenda audacia est: ne si pro sua libidine debacebati sinas,
tam alte radices defigant: ut cum extirpare uelis, auellere nequeas.
An his populi salutem credas: qui cum decoxissent, tesseramq; apud
omnes confregissent: & eorum fides passim collabasceret: primi le-
gibus interdicta monopolia rerum omnium usurparunt & scilicet ut
eos populi misereret. An his etiā ecclesiarū bona credas, qui sua per-
diderunt: meliusq; rem ecclesiarū curaturos putes, q̃ curant suam,
qui decoxerunt. Quas illi bone Deus tragœdias agitent: q̃ atrocē
intolerandāq; tyrannidem exercerent. Vereor. B. P. ne si tantā hōre
nequitiae atq; auaritati fenestram patefeceris: quid tibi post hac reli-
quum futurum sit frustra requiras. Sic Boemorum hæresis inualuit,
qui malunt Christi trāsugas atq; hæreticos agere, q̃ quæ per iniuriā
bona occuparunt, per æquitatē restituere, adeo magno atq; inexor-
abili in presbyteros odio feruntur. Quid aliud Martinus Lutherus
molitur, nisi ut quæ ecclesiarum sunt, in priuatorum usus cedant.
Quo nihil esse optabilius quicq̃ potest his: quos improbitas ad faci-
nus, desidia ad egestatem perduxit. Facile enim alieno abutitur, qui
nihil habet. Quantam hæc illi lex auctoritatem ac gratiam popula-
rem pareret, si tam nefarius eius conatus a te quoq; confirmatus le-
ge fuerit, ut benigne cum ecclesiis & iure fecisse uideatur. Quid Tur-
ca (quod Deus omen auertat) aliud interminatur, q̃ ut ecclesias spo-
liet. Quid præterea ut nulla alia uis cogat, siquidem hanc tu legem
admiseris, facturos omnes putes ubiq; terrarum, qua Christianus
orbis patet, nisi ut tuæ legis exemplo utantur qui nihilo secius ad se
q̃ ad ciues Romanos pertinere existimabunt. Nā hanc tu legem aut
æquam esse aut iniquam statuas oportet, si æquam cur non tam bo-
næ legis æquitatem exemplumq; sequantur. Si iniquam oblatam
sibi tam uberem tamq; expetitam augendæ rei occasionem dissi-
mulaturos arbitreris. Magna spe erecta est Italia, magna Gallia, ma-
gna Hispania, magna uniuersus orbis Christianus, huiusce legis even-
tū omnes præstolantur, qua quasi signū aliquod ecclesiasticæ prædo-

propositum esse arbitratum, sua sibi quisque elegit, designauitque animo
quæ inuadat, siquidem occupantiū futura sunt ecclesiarū bona.
An non existimes optatissimæ legis beneficio usuros, qui iam pridē
ad hoc per se ansumati paratiq; fuerunt? Aut cur si Romæ per tuā legē
iuror, non licebit in provinciis? Quæ uis prohibere poterit pro qui-
bus lex a te promulgata pro muro steterit? Nā si anteq; quicq; ex lege
licet: omnia sibi putāt licere, quid si ex lege tantillū licuerit: facturos
videtur. Scio quid ad hæc sint arguti homines allaturi, qui manifesto
ut ita dicitur, nullasq; habēt alias quo cōfugiant latebras: nisi exēpla ma-
iorū. Dicent ueterē esse, usitatāq; legem, & a sapientissimis Pontifici-
bus Syxto, Iulioq; sæpe promulgatā. Fateor, sed illi populi ubertatē,
nō famē quærebant. Illi ecclesias fouere, nō spoliare nitēbantur, illi
libertatē uolebant, nō tyrānidem: cōsulere illi populo Romano im-
portadis huc undiq; nō hinc alias in regiones ac prouincias exportā-
dis frugibus studebāt. Qui quidē sapientissimi pontifices ubi negotia
torū aratorūq; malignitatē ac fraudē: quā legi faciebāt: deprehen-
derūt, quā ipsi bona fide tulerāt, eandē unius diei legē esse non ultra
uoluerūt. Quos quid facturos fuisse existimes in tā manifestaria huius
legis fraude, qua, & populi salus proditur, & ecclesiasticæ libertatis
immunitas cōculcatur, cū ob leuissimā cuiuspiā doli suspicionem le-
gem esse plane nullā uoluerint? Sed demus istis Syxti, Iuliiq; legē, de
cuius etiā hāc ipsam quā impugnamus, modo nō sit eis ulla asportan-
dāq; frugū potestas, ac nullū frugum sit certū præfinitūq; pretium,
uidebis extēplo omniū animos collabascere, omniū impetus refri-
gescere, nemo aratrū inferet. Quid ita? Omnis, n. spes prædæ de colla-
bie, si asportandarū frugū ius tollatur, aut si pretiū incertū, nulla erit
amplius eorū misericordia: cū hanc ipsam sibi obstruāt ad rapinā uia
uidebūt. Populares esse desinent, cū expilandi populi occasio fuerit
intercepta: desinent faceffere ecclesiis negotiū, ubi lucrū inde ami-
ssum non allubescet: uidebis factos repente religiosos: qui nullū unq;
Deū nouerūt præter lucrū: cui quo iure: quauē iniuriā semper insidiā
fuit. Quamobrē. B. P. tibi omni ope curaq; admittendū est: ne tuas ec-
clesias populūq; tuū his expilandū dedas: qui ne belli quidē ciuilibis ra-
pinis ac proscscriptionibus expleri satianiq; possent. Prohibe hos a tuis
sepis: lupos: abige hos a tuis aluearibus ignauos fucos: ne depascatur
ulior: labores. Maiorū nostrorū sapientissimorū tutorū: clarissimorū
q; Pontificū institutis insiste: & eorū amulare prudentiā: quī tondere
sunt ipsi pecus, non de glubendū aliis tradere uoluerunt. Syxtus enim
ac Iulius tā diligentissimi suarū ouium pastores: q; uigilantissimi eccle-
siasticæ libertatis custodes: ita quidē legem Agrariā promulgarunt

quatenus ea in populi utilitatē cederet: nec pars sua ipsos ex dignitate: maiestateque sunt arbitrati mutare sententiā, ut antiquā esse legē agrariā censerent: quando ea lege prodi popularibus ecclesiis libertatē, prodi populi salutē deprāhenderunt. Nā si C. Lelius legē agrariam laturus, simul ac uidit quantū ea re incendiū in Repu. excitaret, in re populi eque Repu. ac suae ipsius prudētiā esse maxime iudicauit, a promulganda lege agraria desistere: unde quod pauci meruerunt sapiens est appellatus. Cur nō Syxtus, Iuliusque idē cognomen mentis sumo suo mereatur, qui suas ipsi quas istiusmodi authorū suasu ac fraus depeperat leges eiecerūt: & quasi adulterinū partum ablegādum, exponendumque censuerunt. Cur non etiā Tu. B. P. id ipsum eodem nomine affectes: nomen quod multo antea multis aliis nominibus meruisti: & quis enim in tuis omnibus actionibus nō modo sapiēs semper, sed sapientissimus etiā fuisti. qui rē militārē, remque publicā: immo uero totius orbis negocia pari semper consilio ac sapientia tuoderabaris: nuperque in maximo tot patrū inter se certantiū ambitu, atque pugna: egregia illa tua uirtus inuictaque cōstantia: ac singularis prudentia summā ad te potissimū rerū detulerūt: ut uideri possis cū ipsa etiā fortuna diu multūque colluctatus: eius tandē opes, uimque cōregisse, & quis in omni re sapientē te praeuisti. Tamen erūt qui in his fortunae nōnihil ascribendū putent: eaque dicūt fortunati potius fuisse quam sapientis. At uero asserere ecclesias: prohibere populi calamitatē: propulsare cōmunē iniuriā cum possis, ita est sapientis, ut ne boni quidē uiri nomen retinere possit, qui negligat. Quocirca non debes tui nōturpe esse, arbitrari, legē tuo nomine aditā irritā uelle, quae sit a te ac moribus tuis longe aliena. Immo uero ita tecū constituere debebis: te iratū his semper fore, qui clementiae ac iustitiae tuae splendore iniustissimae ac nefariae legis tenebris obscurare contendūt, inuidētque gloriae. Quam enim iusti honestique faciem ullā lex habeat, quae in ecclesiasticam libertatē ac populi salutem inimicorum suasu atque consilio suscepta decretaque sit: Quicquid enim parte incōsulta altera constituitur: & si aequū id sit: ut improbari non possit: tamen iniustū esse legibus placuit. Quod si tanta iusti uis est: ut ne iustū quidē iustū haberi possit, quod praeter iudicii formā de cernitur: quid cum de alterius iniuria dannoque tractatur. De diripiendis ecclesiarū bonis: de ex pilando populo: de annonae difficultate: de constituenda tyrānide: ut ea occasione paucorum auiditas expleatur: omnium fortunae exharriantur. Quis praeterea id iustum esse ac bonū putet, quod non modo iniuriā, sed etiam perniciem tā priuatam quam cōmūnem parit. Nam spoliare antiquos, iustosque dominos ac novos inducere: quid

est obsecro si ea tyrannis non est? Ecclesias bonis euertere, quid est
aliud quam sacrilegium? Vbertatem profiteri, ut egestatem famemque afferas;
quid est aliud quam commune paricidium? Quod si tyrannos sacrilegos pa-
ricidas leges gladio ultore prosequuntur, quis hanc legem non explo-
dendam, exhibendamque iure censeat, quæ nihil est sane aliud, quam in eccle-
siis populisque scelestissima conspiratio? Quis non in tanta nefarie legis
auctores seuerissime insurgendum? Quis te non simul & clementissi-
mæ & iustissime facturum arbitretur, si tam ipsos auctores, quam legem Vulca-
nem commendaris. Vnus enim tu es B. P. ac præterea nemo, qui populum as-
flectere a tanta funesta iniuria possis: Qui inopiã quam isti moluntur &
sunt prohibere, qui ecclesiasticam libertatem tueri, qui triumvirorum
vim ac tyrannidem opprimere, quod si populum uiolari ab his, qui po-
puli sunt emunguntque sanguinem patiari, qui uerbo ubertatem pro-
mittunt, re uero egestatem apportant atque inopiam, qui ecclesia-
rum fortunis inhiant, ut deuorent, qui sunt semper furta, rapinas,
furem, sacrilegium, depeculatus, tyrannidem meditati, et qui dum
sæta profanaque omnia permiscunt, uiri boni uideri uolunt, qua quis-
dem nulla esse iniustitia capitalior potest, si inquam tam insignem,
tamque late patentem iniuriã feras, dum possis propulsare (patere me
obsecro. B. P. aliquanto liberius loqui) reueris oppressi populi,
prostrata libertatis, proditæ ecclesiæ, desertæ patriæ. Idem est enim
nescio an maius etiam uitium, interdum non prohibere cum pos-
sis iniuriam atque inferre. At uero tuæ uel naturæ & instituti uel for-
tunæ uel officii est, ut neminem lædi uelis. Es enim & natura & no-
mine clementissimus, tum institutus, informatusque iam inde a pue-
ro ad clementiam; Deinde ita tecum actum est diuinitus, collata
in te summa rerum omnium potestate, ut qui natura institutisque sem-
per clemens iustusque fueris, possis etiam tam clementer, iusteq; cum
omnibus agere; qui iniustitiam coercere. Postremo munus te tuum
semper officii & iustitiæ admonet. Habes enim a natura, ut uelis, a
fortuna ut possis, ab officio, ut quod cupis & potes, idem præstes. Ex-
hibe igitur & præsta quod tua & natura & mores pollicentur, quod ex
fortuna potes, quod ex officio debes. Tibi enim dictum est uni. Pasce
oues meas, tibi item dictum, tu es Petrus & super hanc petram ædifi-
cabo ecclesiam meam. Vides instructos; paratosque in tuas oues, hoc
est in populum tuum; audacissimos lupos. Vides ecclesiæ tuæ in petra
sitzæ; tuæque fidei commissæ certam perniciem parari, uides haud dubiã
tyrannidem institui. Quem appellabit populus si tu deseras? Cuius fidem
imploret ecclesia, si tu ecclesiæ fundamentum ac propugnaculum onus
excutias, ac lacerandam dedas? Quis obsistet tyrannidi, nisi tu eam

oppreſſeris? Quis famem prohibebit: ſi hæc regio fruges dederit qui
bus uelſci nequeat: & fertiliffimo anni prouentu alienæ nationes ſine
antur: populus uero Romanus eſuriat. Tu haſtenus ſemper & popu-
li & eccleſiæ patronus fuiſti: nunc & paſtor es & pater; atqui pater ſe-
lios cogit: noſ diſſipat: Paſtor oues paſcit: non lupis exponit. Hæc uo-
ro lex ut nouerca filios tuos abigit: ut lupo oues infeſtatur: ut tyrannus
omniũ fortunas perdit: quæ ſi admittitur: nihil eſt ullius ſpei reli-
quũ: niſi ut qui per hoſce multos annos: reſicto patrio ſolo Romæ ue-
nerunt: tanq̃ ad cõmunẽ quietãq; patriã: coloniã cõmutent: ne curia
bellorũ incõmoda uitarent: fame pereant: tum autẽ eccleſia reliquẽ-
da: ſerẽdaq; uel Boemorũ proſcriptio: uel admittẽdæ Lutheri leges
quarũ hæc ipſa lex confirmare uim poteſtatemq; uidebitur: nec etiã
amplius Turcæ eccleſiæ reformidãdus: quã antea ſine bello lex agri-
ria ſpoliauerit. Sed permagnã nobis uox illa tua præclara ſpẽ dedit:
qua profeſſus es te rẽ diligenter cogniturũ. Vox nimirũ tã maximo
ac iuſtiſſimo q̃ optimo digna Principe. Illa nos ac populũ confirmauit:
uit: non tantũ his licere quantũ ſibi hac lege promittebant. Hortatur
ad hoc tua te iuſtitia: quã inuiolatã cupis: hortatur eccleſia: cuius au-
gere dignitatẽ ac propagare fines debes: hortatur te maiorẽ exẽpla
qui ne populus Ro. fame laboraret: totũ terrarũ orbẽ horreũ populi
Romani eſſe uoluerũt: & tantã tãq; florentẽ tibi eccleſiæ dignitatẽ
opeſq; tradiderunt: ut eſſet qui tueri: & amplificare poſſet: uelletq;
illud Petri ſaxũ eccleſiæ fundamentũ tam ſanctum atq; inuiolabile q̃
ſempiternum fore.

D. I. X. I.

Fabius Vigil Baptiſtæ Caſalio

Super Re Agraria.

Roma ſuos proprio ut ſeruaret ſanguine fines,

Innumeros, lethali ære, tulit calamos.

Tu: patrii quo ſeruentur ſine ſanguine fines,

Vno, eodemq; ſalubri aſſequeris calamo.

Quos igitur tibi dent arcus, quæ ſigna Quintes,

Qui armis ſueta peti, Pace trophæa refers?

Romæ .M.D.XXIIII.